

**Tarifni broj 58.**

Za izdavanje odobrenja za upotrebu za:

1. dalekovode do 1500 m dužine trase ....**250,-**
2. dalekovode preko 1500 m dužine trase **400,-**
3. izgradnju objekata od interesa za kanton..**500,-**
4. izgradnja građevina i drugih zahvata koji mogu štetno uticati na okoliš kantona.....**400,-**
5. ostali objekti.....**200,-**

**Tarifni broj 59.**

Za izdavanje rješenja za obavljanje poslova upravitelja .....**300,-**

**Tarifni broj 60.**

Za iskoličavanje terena za izgradnju građevina:

1. koji će se odvijati na područjima dviju ili više općina .....120,-
2. izgradnju građevina i zahvata od značaja za Kanton.....200,-
3. proizvodne objekte preko 400 m2.....150,-
4. klinički centar.....250,-
5. građevinske objekte iz oblasti turizma preko 2000 m2 .....200,-
6. objekte u zaštitnom pojasu magistralnih i regionalnih puteva izvan urbanog područja:
  - a) objekti do 100 m2 .....50,-
  - b) objekti od 100 do 200 m2.....80,-
  - c) objekti od 200 do 500 m2 .....150,-
  - d) objekti preko 500 m2 .....200,-
7. pilane.....150,-
8. brente.....150,-
9. objekti za proizvodnju šljako-betonskih i betonskih elemenata.....80,-
10. objekti za drobljenje i separaciju kamena (kamenolomi) .....200,-
11. objekti od kantonalnog značaja.....350,-

**14. TAKSE IZ OBLASTI ZAŠTITE OKOLIŠA****Tarifni broj 61.**

1. Za izdavanje okolinskih dozvola.....**270,-**
2. Za izdavanje dozvole za upravljanje otpadom .....**225,-**
3. Za izdavanje rješenja radi odobrenja plana aktivnosti sa mjerama i rokovima za postupno smanjenje emisija, odnosno zagađenje i za usaglašavanje sa najboljom raspoloživom tehnikom.....**40,-**

**15. TAKSE IZ OBLASTI OBRAZOVANJA****Tarifni broj 62.**

Za izdavanje rješenja za rad i rješenja o ispunjavanju uvjeta za rad privatnih odgojno-obrazovnih ustanova ..... 300,-

**Tarifni broj 63.**

Za izdavanje rješenja o nostrifikaciji i ekvivalenciji inozemnih školskih svjedodžbi **15,-**

**16. TAKSE IZ OBLASTI FINANSIJA****Tarifni broj 64.**

Podnošenje zahtjeva za povrat ili preknjiženje pogrešno ili više uplaćenih javnih prihoda .....10.-

**Član 2.**

Stupanjem na snagu ovog zakona stavljaju se van snage sve dosada važeće tarife.

**Član 3.**

Ovaj Zakon stupa na snagu osmog dana od dana objavljivanja u "Službenom glasniku Unsko – sanskog kantona".

Broj 01-02-1-425/12      Predsjedavajući Skupštine  
12. novembra 2012. godine      Unsko-sanskog kantona  
Bihać      **Admir Hadžipašić,**  
dipl. pravnik

**938.**

Na osnovu poglavlja člana 2. m) poglavlja IV i 11. b) poglavlja V odjeljka A Ustava Unsko-sanskog kantona – prečišćeni tekst ("Službeni glasnik Unsko-sanskog kantona" broj:1/04 i 11/04) i člana 7. i 30. Zakona o pravima branilaca i članova njihovih porodica ("Službene novine Federacije Bosne i Hercegovine" broj: 33/04, 56/05-ISPRAVKA, 70/07 i 9/10), na prijedlog Vlade Unsko-sanskog kantona, Skupština Unsko-sanskog kantona na 29. sjednici održanoj dana 27.11.2012. godine, donijela je:

**ZAKON****O IZMJENAMA I DOPUNAMA ZAKONA O DOPUNSKIM PRAVIMA BRANILACA I ČLANOVA NJIHOVIH PORODICA****Član 1.**

U Zakonu o dopunskim pravima branilaca i članova njihovih porodica ("Službeni glasnik Unsko-sanskog kantona" broj 3/05 i 1/09) član 1. mijenja se i glasi:

“(1) Ovim Zakonom uređuju se prava, uvjeti i postupak za ostvarivanje dopunskih prava, korištenje i prestanak prava, kao i druga pitanja, od značaja za ostvarivanje prava članova porodica šehida, poginulih, umrlih i nestalih branilaca, ratnih vojnih invalida i članova njihovih porodica, dobitnika ratnih priznanja i odlikovanja i članova njihovih porodica, demobiliziranih branilaca i članova njihovih porodica, sa prebivalištem na području Unsko-sanskog kantona.

(2) Izuzetno, lica iz stava (1) ovog člana sa prebivalištem van Unsko-sanskog kantona u općinama Prijedor, Bosanski Novi, Bosanska Dubica, Bosanska Gradiška i Bosanska Kostajnica, ostvaruju prava posebno utvrđena ovim Zakonom.

(3) Pojam šehid ili pojam poginuli branilac, u smislu ovog Zakona, koristi se po slobodnom izboru korisnika prava.”

## Član 2.

Član 2. mijenja se i glasi:

(1) **Demobiliziranim braniocem**, u smislu ovog Zakona, smatra se pripadnik Armije Republike Bosne i Hercegovine, Hrvatskog vijeća odbrane i policije nadležnog organa unutrašnjih poslova (u daljem tekstu: Oružane snage) koji je učestvovao u odbrani Bosne i Hercegovine (početak agresije na općinu Ravno) od 18.09.1991. godine do 23.12.1996. godine, odnosno do prestanka neposredne ratne opasnosti i koji je demobiliziran rješenjem nadležnog vojnog organa, kao i lice koje je učestvovalo u pripremi za odbranu i u odbrani Bosne i Hercegovine u periodu prije 18.09.1991.godine, a koje je angažirano od nadležnih organa.

(2) Pod učešćem u odbrani Bosne i Hercegovine, u smislu stava (1) ovog člana, smatra se učešće u oružanom otporu i djelovanje koje je u direktnoj vezi sa pružanjem otpora, a da nije dezertirao u toku i nakon ovog perioda.”

(3) **Organizatorom otpora**, u smislu ovog Zakona, smatra se lice koje je kao takvo učestvovalo u organizovanju i pripremi za odbranu i odbrani Bosne i Hercegovine u periodu od 18.09.1991. godine do 19.06.1992.godine i ostao neprekidno do kraja rata ili je ranije demobiliziran od strane nadležnog vojnog organa.

(4) **Dobrovoljac** u smislu ovog Zakona smatra se lice koje nije bilo vojni obveznik u vrijeme dobrovoljnog stupanja u Oružane snage i ostao

neprekidno u jedinicama do kraja rata ili je ranije demobiliziran od vojnog organa.

Dobrovoljcem se smatra i lice koje je sa slobodne teritorije došlo na prostore Unsko-sanskog kantona i uključilo se u oružane snage Armije Bosne i Hercegovine i ostalo do kraja rata ili je ranije demobiliziran od strane vojnog organa.

(5) **Veteranom**, u smislu ovog Zakona, smatra se lice koje je stupilo u jedinice iz stav 1) ovog člana od 18.09.1991. do 31.12.1992.godine i ostalo neprekidno do 23.12.1995.godine, ili je ranije demobiliziran od nadležnog vojnog organa.

(6) **Učesnikom rata**, u smislu ovog Zakona, smatra se svako lice koje je u sastavu Oružanih snaga iz stava (1) ovog člana provelo najmanje jednu godinu dana neprekidno u periodu od 20.06.1992. godine do 23.12.1995. godine.

Učesnik rata je i ono lice koje nije bilo vojni obveznik u vrijeme početka ratnih dejstava i koje je nakon mobilizacije ostalo neprekidno do 23.12.1995. godine ili je ranije demobilizirano od strane nadležnog vojnog organa.

(7) **Ratni vojni invalid** je državljanin Bosne i Hercegovine koji je, vršeći vojne dužnosti, druge dužnosti za ciljeve odbrane u sastavu Oružanih snaga, učestvujući u odbrani Bosne i Hercegovine u periodu i pod uvjetima i okolnostima iz stava (1) ovog člana, zadobio ranu, povredu, bolest ili pogoršanje bolesti, pa je zbog toga nastupilo oštećenje njegovog organizma najmanje za 20 %.

(8) Član porodice poginulog, umrlog, nestalog branioca i umrlog ratnog vojnog invalida, u smislu ovog zakona, je korisnik prava na porodičnu invalidninu, na osnovu konačnog rješenja nadležnog organa, izdatog u skladu sa važećim federalnim propisima iz oblasti boračko-invalidske zaštite.

(9) **Dobitnik ratnog priznanja ili odlikovanja i član uže porodice porodice poginulog, umrlog ili nestalog dobitnika ratnog priznanja ili odlikovanja**, smislu ovog Zakona, je korisnik prava na mjesečni novčani dodatak, na osnovu konačnog rješenja nadležnog organa, u skladu sa odredbama Zakona o posebnim pravima dobitnika ratnih priznanja i odlikovanja i članova njihovih (“Službene novine Federacije Bosne i Hercegovine” broj:70/05 i 70/06).

(10) Sa braniocima u smislu ovog Zakona, izjednačen je u pravima i borac **narodno-oslobodilačkog antifašističkog rata od 1941-**

**1945 godine**, čiji je status utvrđen rješenjem nadležnog organa, pod uvjetom da je na dan 23.12.1995.godine boravio na području Kantona.

### Član 3.

Član 3. mijenja se i glasi:

(1) Članovi uže porodice demobiliziranog branioca, organizatora otpora, dobrovoljca, veterana, učesnika rata, ratnog vojnog invalida, porodice poginulog, umrlog, nestalog branioca, dobitnika ratnog priznanja ili odlikovanja, u smislu ovog zakona, je bračni partner, vanbračni partner u smislu člana 3. Porodičnog zakona Federacije Bosne i Hercegovine ("Službene novine Federacije Bosne i Hercegovine", broj 35/05, 41/05), djeca rođena u braku i van braka, usvojena djeca i pastorčad i roditelji umrlog neženjenog lica iz člana 2. ovog Zakona.

(2) Shodno Općem okvirnom sporazumu za mir u Bosni i Hercegovini, pripadnici tzv. Narodne odbrane Autonomne pokrajine zapadna Bosna ne smatraju se braniocima u smislu ovog Zakona i njihova prava, kao i prava članova njihovih porodica, uređuju se Zakonom o osnovama socijalne zaštite, zaštite civilnih žrtava rata i zaštite porodice sa djecom, kao i kantonalnim Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Federacije Bosne i Hercegovine", br. 36/99, 54/05 i 39/06).

### Član 4.

U članu 4. brišu se riječi "Kantonalnog".

### Član 5.

U poglavlju II PRAVA član 5. tačka 3) nakon zarez a dodaju se riječi "ako to pravo nije koristio po drugom osnovu",

U tački 6) nakon zarez a dodaju se riječi „ili krediti i u izuzetnim slučajevima bespovratna sredstva,“.

U tački 12) riječi "Kantonalni fond za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe" zamjenjuju se riječima "Javna ustanova Kantonalni fond za pomoć u stambenom zbrinjavanju porodica šehida i poginulih boraca, ratnih vojnih invalida, demobilisanih boraca, prognanih osoba i socijalno ugroženih kategorija".

Dodaje se novi stav (2) i (3) i glase:

(2) Lica iz člana 2. ovog Zakona sa prebivalištem van Unsko-sanskog kantona

(Kantona u daljem tekstu ) u općinama Prijedor, Bosanski Novi, Bosanska Dubica, Bosanska Gradiška i Bosanska Kostajnica prema načinu i obimu utvrđenim ovim Zakonom, ostvaruju sljedeća prava:

1. Jednokratnu novčanu pomoć,
2. Stipendiranje,
3. Naknada troškova dženaze-sahrane,
4. Finansiranje programa/projekta boračkog / udruženja/saveza/organizacije.

(3) Prava utvrđena ovim članom ostvaruju se u skladu sa sredstvima planiranim u Budžetu Unsko-sanskog kantona .

### Član 6.

U članu 6.stav (2) riječi "Kantonalno ministarstvo za pitanja boraca i ratnih vojnih invalida" zamjenjuju se riječima "Ministarstvo za pitanja boraca i ratnih vojnih invalida – Ministarstvo u daljem tekstu."

### Član 7.

Član 7.mijenja se i glasi:

"Prošireni obim prava na zdravstvenu zaštitu ostvaruju ratni vojni invalidi u skladu sa Zakonom o pravima branilaca i članova njihovih porodica i ostalim propisima. "

### Član 8.

U članu 13. dodaje se novi stav (3). koji glasi:

"Pravo iz stava (1) i (2) ovog člana koristi se samo u slučaju da to pravo nije ostvareno po drugom osnovu."

### Član 9.

Član 22. mijenja se i glasi:

(1) Nezaposleno lice iz člana 2. Ovog Zakona, kao i nezaposleni član uže porodice kada prvi put zasniva radni odnos, ostvaruje prioritet pri zapošljavanju ukoliko ispunjava opće i posebne uvjete za radno mjesto na kojem se vrši zapošljavanje, a u skladu sa propisima iz oblasti radnog zakonodavstva.

(2) Pravo utvrđeno u stavu (1) ovog člana, ostvaruje se prioritetima kako slijedi:

- a) Dijete poginulog, umrlog, nestalog branioca bez oba roditelja;
- b) Član porodice poginulog, umrlog, nestalog branioca;
- c) Dobitnik ratnog priznanja ili odlikovanja;
- d) Ratni vojni invalid prema procentu priznatog vojnog invaliditeta;
- e) Demobilizirani branioac;

f) Član uže porodice umrlog dobitnika ratnog priznanja ili odlikovanja, umrlog ratnog vojnog invalida i umrlog demobiliziranog branioca;

g) Djeca dobitnika ratnih priznanja ili odlikovanja, djeca ratnih vojnih invalida prema procentu invaliditeta i djeca demobiliziranih branioca.

(3) Pravo iz stava (1) ovog člana ne može ostvariti osoba:

a) kojoj je radni odnos zasnovan na osnovu ranije ostvarene prednosti pri zapošljavanju b) kojoj je prestao radni odnos njenom krivicom odnosno ukoliko je prekinula ugovor o radu,

c) koja je po prestanku radnog odnosa ostvarila pravo na otpremninu,

d) koja je ostvarila pravo na penziju u skladu sa odredbama Zakona o PIO/MIO.

(4) Kantonalni organi uprave i kantonalne upravne ustanove, općine kao i pravne osobe čiji su osnivači Kanton ili općina, a koje se finansiraju iz Budžeta Kantona, odnosno općine sa učešćem od najmanje 25% dužni su, pod jednakim uslovima, prilikom prijema u radni odnos obezbjediti prioritet osobama iz stava (1) ovog člana.

(5) Nezaposleni član porodice - poginulog, umrlog, nestalog branioca, dobitnika ratnog priznanja ili odlikovanja, ratnog vojnog invalida, demobiliziranog branioca, organizatora otpora, dobrovoljca, veterana, učesnika rata, pod jednakim uvjetima, ima prioritet pri korištenju programa nadležne službe za zapošljavanje namijenjenih trajnom zapošljavanju.

(6) Djeca poginulog, umrlog, nestalog branioca ostvaruje pravo iz stava (1) ovog člana, bez obzira na godine života.

### Član 10.

Član 23. Mijenja se i glasi:

(1) Licima iz člana 2. ovog Zakona mogu se dodijeliti novčane pozajmice ili krediti i u izuzetnim slučajevima bespovratna sredstva.

(2) Pravo iz stava (1) ovog člana realizira se putem Kantonalnog fonda, koji će posebnim propisom utvrditi način i uslove za odobravanje uslova iz stava (1) ovog člana, a na koji će Vlada Kantona dati saglasnost.

(3) Dijete poginulog, umrlog, nestalog branioca ostvaruje pravo iz stava (1) ovog člana bez obzira na godine života.

### Član 11.

Član 24. mijenja se i glasi:

(1) Lica iz člana 2. ovog Zakona, imaju pravo pod jednakim uvjetima utvrđenim posebnim propisima, na prvenstvo upisa i besplatno školovanje u obrazovnim ustanovama čiji je osnivač Kanton i općina.

(2) Djeca dobitnika ratnog priznanja ili odlikovanja, ratnog vojnog invalida, demobiliziranog branioca, organizatora otpora, dobrovoljca, veterana, učesnika rata, prava utvrđena u stavu (1) ovog člana, koriste ako su na redovnom školovanju do kraja redovnog školovanja, a najkasnije do navršene 25. godine života.

(3) Lica iz člana 2. ovog Zakona imaju pravo na naknadu dijela troškova za doškolovanje, odnosno ratni vojni invalidi ostvaruju pravo na prekvalifikaciju radi sticanja neophodnog stepena obrazovanja koje im je potrebno radi obavljanja određenih poslova, a isto nije u mogućnosti da obavlja poslove na koje je bilo raspoređeno prije nastanka invalidnosti.

### Član 12.

Član 25. mijenja se i glasi:

(1) Posebnim propisom kojeg donosi ministar Ministarstva uz saglasnost Vlade Kantona, lica iz člana 2. ovog Zakona, kao i djeca dobitnika ratnog priznanja ili odlikovanja, ratnog vojnog invalida, demobiliziranog branioca, organizatora otpora, dobrovoljca, veterana, učesnika rata, – djeca najduže do 25. godine života, imaju pravo na dodjelu stipendije za vrijeme redovnog školovanja na visokoškolskim ustanovama.

(2) Ostvarivanje prava iz stava (1) ovog člana odnosi se na djecu poginulog, umrlog, nestalog branioca, bez obzira na godine života.

### Član 13.

U članu 26. stav (2) briše se.

Dosadašnji stav (3) i (4) postaju stav (2) i (3).

### Član 14.

Član 28. mijenja se i glasi:

Oslobađanje taksa i naknada odnosi se na izmirenje obaveza:

(a) Pretvorbe poljoprivrednog u građevinsko zemljište,

(b) Kopija katastarskog plana,

(c) Takse na zahtjev za izdavanje urbanističke saglasnosti

(d) Takse i naknade za izdavanje posjedovnih listova i izvoda iz zemljišnih knjiga,

- (e) Naknade za rentu iz osnove prirodnih pogodnosti gradsko građevinskog zemljišta i pogodnosti već izgrađene infrastrukture – renta,
- (f) Davanja na ime izdavanja situacije terena sa već ucrtanim položajem građevinskog objekta,
- (g) Naknade za uređenja zemljišta,
- (h) Davanja po osnovu sanitarne saglasnosti,
- (i) Takse za izdavanje građevinske dozvole,
- (j) Naknade za izgradnju atomskog skloništa,
- (k) Ostalih taksa ili naknada vezanih za izdavanje odobrenja za gradnju.

(1) Lica iz člana 2. ovog Zakona oslobađaju se davanja za priključke električne energije i to u visini cijene priključka nadzemne monofazne 35 A angažirane snage 7,5 KW.

(2) Lica iz člana 2. ovog Zakona oslobađaju se davanja za priključak na vodovodnu mrežu.

(3) Sredstva za oslobađanja iz ovog člana obezbijedit će se u Budžetu Kantona i Budžetu općina.

(4) Lokacije građevinskog zemljišta na kome pravo raspolaganja ima Kanton ili općina za koja se lica iz člana 2. ovog Zakona oslobađaju se obaveza plaćanja pobrojanih u prethodnim stavovima ovog člana, oglašavat će se putem sredstava javnog informiranja.

#### **Član 15.**

U članu 29. riječi “Kantonalnog fonda za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe” zamjenjuju se riječima “Javne ustanove Kantonalni fond za pomoć u stambenom zbrinjavanju porodica šehida i poginulih boraca, ratnih vojnih invalida, demobilisanih boraca, prognanih osoba i socijalno ugroženih kategorija”.

#### **Član 16.**

U članu 38. član “35” zamjenjuje se članom “36”.

#### **Član 17.**

Član 43. mijenja se i glasi:

“(1) U slučaju smrti lica iz člana 2. ovog Zakona, i člana uže porodice, član porodice koji sahrani umrlog ima pravo na naknadu troškova dženaze-sahrane (jednokratno) u visini 50% prosječne netto plaće zaposlenih u Federaciji BiH iz prethodne godine (ukoliko to pravo nisu ostvarili po bilo kom drugom osnovu).

(2) U slučaju smrti lica iz člana 2. ovog Zakona, ako nije imao članove porodice, fizičko ili pravno lice koje je snosilo troškove dženaze/sahrane, ima pravo na naknadu troškova u visini utvrđenoj u stavu (1) ovog člana.

(3) Zahtjev za ostvarivanje prava iz stava (1) ovog člana, podnosi se u roku od šest mjeseci od dana smrti lica iz člana 2. ovog Zakona, Odjeljenju za boračko-invalidsku zaštitu u matičnoj općini podnosioca zahtjeva.”

#### **Član 18.**

U članu 44. stav (4) mijenja se i glasi:

“Dobitnicima ratnih priznanja i odlikovanja nakon smrti pripada pravo na podizanje nišana, odnosno nadgrobnog spomenika u visini i dinamici isplate koju utvrdi Ministarstvo, kao i članu porodice umrlog dobitnika ratnih priznanja i odlikovanja, koji svojim sredstvima izvrši podizanje nišana-spomenika, ima pravo na naknadu troškova u visini i dinamici isplate koju utvrdi Ministarstvo.”

#### **Član 19.**

Član 45. mijenja se i glasi:

(1) Posebnim propisom kojeg donosi Ministar Ministarstva uz saglasnost Vlade Kantona, u izuzetnim slučajevima lica iz člana 2. ovog Zakona, imaju pravo na dodjelu jednokratne novčane pomoći, u vidu:

- a) naknade dijela troškova liječenja,
- b) naknade dijela troškova redovnog i vanrednog školovanja,
- c) novčana pomoć zbog lošeg općeg imovnog stanja.

(2) Dijete poginulog, umrlog, nestalog branioca ostvaruje pravo iz stava (1) ovog člana, bez obzira na godine života.

#### **Član 20.**

Član 49. mijenja se i glasi:

(1) Na osnovu zahtjeva, za priznavanje statusa lica iz člana 2. i pravima utvrđenih u članu 6, 13, 15, 28. tačka 10. ovog Zakona, u prvom stepenu rješava Odjeljenje za boračko-invalidsku zaštitu prema mjestu prebivališta podnosioca zahtjeva, ukoliko nije drugačije regulirano ovim Zakonom ili drugim propisom.

(2) U postupku za ostvarivanje prava prema ovom Zakonu primjenjuju se odredbe Zakona o upravnom postupku, ukoliko ovim Zakonom ili drugim propisom nije drugačije određeno.

**Član 21.**

Član 50. mijenja se i glasi:

(1) Žalba na prvostepeno rješenje može se uložiti u roku od 15 dana od dana prijema rješenja.

(2) Po žalbi izjavljenoj na rješenje Odjeljenja za boračko-invalidsku zaštitu matične općine podnosioca zahtjeva, donesenog u prvom stepenu, rješava Ministarstvo.

**Član 22.**

Član 52. mijenja se i glasi:

(1) Prava utvrđena ovim Zakonom mogu se koristiti dok postoje propisani uvjeti za korištenje tih prava i ne mogu se prenositi na druga lica. U slučaju smrti lica iz člana 2. ovog Zakona, prava po ovom zakonu nastavljaju koristiti članovi njegove uže porodice bračni partner, vanbračni partner u smislu člana 3. Porodičnog zakona Federacije Bosne i Hercegovine ("Službene novine Federacije Bosne i Hercegovine", broj 35/05, 41/05), djeca rođena u braku i van braka, usvojena djeca i pastorčad do navršenih 18 godina života odnosno 25. godine života ako se nalaze na redovnom školovanju, te roditelji umrlog neženjenog lica iz člana 2. ovog Zakona.

(2) U slučaju da je pripadnik AR BiH, Hrvatskog vijeća odbrane i policije nadležnog organa unutrašnjih poslova, umro prije stupanja na snagu ovog Zakona, a za života nije ostvario status lica iz člana 2. Zakona, ukoliko je učestvovao u pripremi za odbranu i odbrani Bosne i Hercegovine u periodima utvrđenim u članu 2. ovog Zakona, rješavajući po zahtjevu člana uže porodice priznaje se status bračnog/vanbračnog druga odnosno djeteta (ako se nalazi na redovnom školovanju, najkasnije do 25. godine života) rođenog u braku i van braka, usvojena djeca i pastorčad, umrlog demobiliziranog branioca, roditelja umrlog neženjenog lica iz člana 2. ovog Zakona.

(3) Status iz stava (2) ovog člana, priznaje se članovima uže porodice umrlog demobiliziranog branioca ukoliko su živjeli u zajedničkom domaćinstvu sa umrlim najmanje tri godine supruga, a djeca bez obzira na vrijeme zajedničkog življenja.

(4) Prava utvrđena ovim Zakonom ostvaruje bračni drug umrlog demobiliziranog branioca i dijete umrlog demobiliziranog branioca bez oba roditelja, dok djeca umrlog demobiliziranog branioca ostvaruju prava utvrđena u članu 24. i

25. ovog Zakona dok su na redovnom školovanju odnosno najkasnije do 25. godine života. U slučaju da je roditeljima umrlog neženjenog lica iz člana 2. priznat status, pravo po ovom Zakonu ostvaruje samo jedan roditelj.

**Član 23.**

U članu 53. stav (1) poslije riječi "invalida" dodaju se riječi "osim djece poginulog, umrlog i nestalog branioca, koja i dalje ostvaruju prava utvrđena u članu 22, 23, 24, 25, 34. i 45. ovog Zakona".

**Član 24.**

U poglavlju IV OSTVARIVANJE I PRESTANAK PRAVA dodaje se novi član 54.a koji glasi:

Prava prema ovom Zakonu ne mogu ostvariti:

- a) Osobe koje su samovoljno, bez odobrenja nadležne komande napustile Oružane snage (dezertirale);
- b) Osobe koje su osuđene pravosnažnom sudskom presudom zbog izvršenja težih krivičnih djela protiv ustavnog poretka Bosne i Hercegovine, ustavnog poretka Federacije Bosne i Hercegovine, krivičnih djela protiv čovječnosti i međunarodnog prava i krivičnih djela protiv oružanih snaga;
- c) Članovi porodice lica koja su osuđena za djela navedena u tačkama a) i b) ovog člana.

**Član 25.**

Član 59. mijenja se i glasi:

Ministar Ministarstva će u roku od 90 dana od dana stupanja na snagu ovog Zakona donijeti provedbene propise .

**Član 26.**

U članu 61. iza riječi "prava" dodaju se riječi "lica".

**Član 27.**

Dodaje se novi član 63. i glasi:

Ovlašćuje se Zakonodavno-pravna komisija Skupštine Unsko-sanskog kantona da utvrdi prečišćeni tekst ovog Zakona.

**Član 28.**

Općine Unsko-sanskog kantona dužne su svoje odluke o pravu na oslobođanje od obaveze plaćanja naknada uskladiti u roku od 90 dana od dana stupanja na snagu ovog Zakona.

